

Տ Ա Ճ Կ Ա Հ Ա Յ Ք

Վաղուց ի վեր Պօլսոյ թերթեր չենք ստանում մեզանից անկախ պատճառներով և կանոնաւոր տեղեկութիւն չունենք այնտեղ անցած դարձածի մասին: Դեկտեմբերի 13-ի № 5747 «Արևելքի» մէջ կարդում ենք հետևեալը:

— Յոյն Մելքիզներու պատրիարք Տ. Քիրիլոս մի եպիսկոպոսի և գործավարի ընկերակցութեամբ շաքաթ երեկոյն Պատրիարքարան գալով՝ այցելութիւն տուաւ Ս. Պատրիարքին, որը սիրալիր ընդունելութիւն ցոյց տուաւ նրան: Տ. Քիրիլոս Պատրիարքը փափագ յայտնեց Մայր եկեղեցին տեսնելու և իւր հետևորդների հետ միասին քահանաների առաջնորդութեամբ մտաւ Մայր եկեղեցու միջին տաճարը և գլխաւոր առաջացաւ դէպի բեմը, որտեղ առանձին աղօթեց: Ապա դիտեց եկեղեցու խորանը, պատրիարքական ամբիոնը և հանգուցեալ Ներսէս պատրիարքի դամբարանը, որոնց մասին հիացմունք յայտնեց: Մելիքեան էֆէնդին ֆրանսերէն լեզուով բացատրութիւններ տուաւ Տ. Քիրիլոսի հարցերին և ասաց, որ Մայր եկեղեցին վերջերս է նորոգուած և այդ նորոգութեան վրայ ծախսուել է 1700 ոսկի: Տէր Քիրիլոս հաւանելով Մայր եկեղեցւոյ ընդարձակութիւնն ու գեղեցկութիւնը, յիշեց, որ Կահրէի Մայր եկեղեցու մէջ 4000 հոգուց բաղկացած բաղմութեան ներկայութեամբ պատարագ է արած: Տ. Քիրիլոս և իւր հետևորդները միևնոյն յարգանքով հեռացան եկեղեցուց և իրենց ցոյց տրուած սիրալիր ընդունելութեան համար շնորհակալութիւն յայտնելով մեկնեցան:

Նոյն համարում կարդում ենք. —

— Ս. Երուսաղէմի միաբաններից Տ. Ներսէս Խապայեան Կիլիկիոյ Ս. Կաթողիկոսի կարգադրութեամբ նշանակուել է Զէյթունի կաթ. փոխանորդ: Այս մասին Պօլսոյ Ս. Պատրիարքի միջոցաւ եղած միջնորդութեանը Երուսաղէմի Ս. Պատրիարքը հաւանութիւն է տուել և թոյլատրել, որ Ներսէս վարդապետը մեկնի իւր պաշտօնատեղին:

Արմաշի վանահօր փոխանորդ Տ. Թորգոմ վարդապետը Արմաշ հասնելով, սկսել է իւր պաշտօնավարութիւնը և զբաղուել ներքին վարչական և եկեմտական գործերի կարգադրութեամբ:

Իզմիրի առաջնորդ է ընտրուած Եղիշէ եպիսկոպոս Դուրեանը, որը գեկտեմբերի 8-ին մեծ շուքով ընդունուել է տեղական գալոցական վարչութիւնների կողմից: Մետրոպեան վարժարանում սրբազանն ընդունուել է պատշաճաւոր երգեցողութեամբ և թափօրով: Գալոցում ճառ են խօսել տեոուչ պ. Թովմաս Էֆէնդի Բոյեաճեան և աշակերաններից մինը իւր ընկերների կողմից կարգացել է ուղերձ: Սրբազանը գոհ մնալով, իրեն յատուկ պերճախօսութեամբ ատենաբանութիւն է արել, շեշտելով դաստիարակութեան կարևորութիւնը: Սրբազանը նոյն ձևով ընդունուել է նաև Հռիփսիմեանց վարժարանում և այցելել նաև Կրթասիրի մանկապարտէզը:



Լրագիրները լուր բերին, որ Ս. Երուսաղէմի վանքում վախճանուել է 1892, 93, 94 և 95 թուին Կարինում Առաջնորդական ծանր պաշտօն վարող և այնտեղից 95-ին Երուսաղէմ ուղարկուած Ղևոնդ եպիսկոպոս Շիշմանեանը:

Հանգուցեալը ծնուած էր Կ. Պօլսում 1843 թուին, վարդապետ էր ձեռնադրուել ս. Խորէն Աշրգեան պատրիարքի ձեռքով, յետոյ մեկնած էր Բիւէճիք, որտեղից 1880 թուին Ս. Էջմիածին էր եկել եպիսկոպոս ձեռնադրուելու: Հանգուցեալը տեղապահական պաշտօն է վարել Խարբերդում, իսկ վերջն էլ Կարնոյ առաջնորդ էր, որտեղից և ուղարկուած էր աքսոր Երուսաղէմ:

Հանգուցեալը Խաս գիւղի Ներսիսեան վարժարանի աշակերաններիցն էր, ամուսնացած և մի զաւակ էլ ունեցած: Նա իւր եղբօր հետ Աֆիօն Գարահիսարի մէջ գալոց էր բացել, բայց կնոջ մահուանից յետոյ փափաղ էր յայտնել կրօնաւոր դառնալու և այդ մտքով դիմել էր ս. Ներսէս Պատրիարքին, որը և ներկայացրել էր նրան Կրօնական ժողովին: Քննութեամբ պարզելով խնդրատուի կարողութիւնը, Կրօնական ժողովը թէև արժանի էր գտել նրան, սակայն փոքրինչ շիւ լինելու պատճառ

ուով թոյլ չէր տուել նորա ձեռնադրութիւնը: Ներսէս Պատրիարքը նրան ուղարկեց Արմաշ, որտեղ և վարդապետ ձեռնադրուեց:

Կիլիկիոյ Տ. Միգրտիչ Կաթողիկոսի օրով նա քննիչի պաշտօնով Պատրիարքարանի կողմից ուղարկուել էր Կիլիկիա, ուր և առաջնորդ էր ընտրուել Կիրիւնի: Նա առաջնորդութիւն էր արել և Եօղղատում: Հանգուցեալը զգայուն և եռանդոտ մարդ էր, նա աշխատակցում էր Կովիասի և տաճկահայոց թերթերին և մեր կրօնական ամսաթերթ Արարատին: Թէև հեռու, բայց նա որտով միշտ կապուած է մնացել սուրբ Էջմիածնի հետ և հնար եղածին չափ աշխատել է օգտակար լինել և Մայր Աթոռի համար: Դեռ մեր յիշողութիւնից չի ջնջուել հանգուցեալի մի սրտաճմլիկ նամակ, որ նա Կարնոյ կոտորածից յետոյ գրել էր ծերունի Հայրապետին: Օ՛, որքան կսկիծ և ցաւ կար այդ տողերի մէջ, որպիսի զգայուն սիրտ էր դրուած այդ անլեզու թղթի մէջ, որ հեկեկանք առաջ բերեց և արցունքով լցրեց բոլոր ընթերցողների աչքերը: Դորանից յետոյ նա երկար չը մնաց Կարինում և ուղարկուեց զգայուն սրտերի աքսորավայր դարձած Ս. Յակոբբայ վանքը՝ երուսաղէմ, ուր և վիճակուած էր նրան կնքել իւր մահկանացուն: Փետրվարի 6-ին Վեհափառ Հայրապետի հրամանով հոգեհանգիստ կատարուեց Ս. Էջմիածնայ տաճարում, որին ներկայ էր ամբողջ միաբանութիւնը և որի ժամանակ դամբանական խօսեց Նղիշէ Ժ. վարդապետ Մուրադեանը, գլխաւորապէս կանդ առնելով հանգուցեալի վերջին առաջնորդութեան վրայ: Հանգիստ ոսկերացի զգայուն հայր և հարապատ հովիւ Լուսաւորչի հօտի՝ աղօթիր, որ նա խաղաղութիւն պարգևի իւր եկեղեցուն և մխիթարութիւն քո սիրած ժողովրդին:

«Լոյսի» մէջ կարդում ենք.—Տանն Կիլիկիոյ Ս. Կաթողիկոսը ձեռնարկած է Մայրավանքին համար ներքին կանոնագրի մը խմբագրութեան: Ինչ ինչ կարգադրութիւններ ալ ըրած է Ս. Կաթողիկոսը միաբանութեան աջակցութեամբ: Միաբանական ընդհանուր ժողով մը գումարելով Ս. Կաթողիկոսի նախագահութեամբ՝ խորհրդակցութիւններ եղած են և վանքին մատակարարական աշխատութիւնները չորս մասի բաժանելով, քուէարկութեամբ ալ տեսուչներ ընտրած են:

Մատակարարութեան—Տ. Վաղարշակ վարդապետ.

Շինութեան համար—Տ. Հրանտ վարդապետ.

Վարձկալութեան համար—Տ. Ղևոնդ վարդապետ.

Ազարակի համար—Տ. Մկրտիչ վարդապետ:

Այս չորս տեսուչներ համախորհուրդ պիտի դորձեն վանական կառավարութեան անունով:

Պ Ա Ր Ս Կ Ա Ն Ա Յ Ք

Ատրպատականի առաջնորդական ընտրութեան խնդիրն ահա մի ամբողջ տարի է, ինչ ձգձգում է և ահագին վնաս հասցնում թեմին: Երկու փոխանորդներն էլ, չնայելով ծերունի Հայրապետից ստացած բաղմամբիւ կոնդակներին, երկար ձգձգումից յետոյ և վերջին փոխանորդին պաշտօնազուրկ անելու սպառնալիքով, հազիւ հարկադրեց, որ յունիարի 2-ին առաջնորդական ընտրութիւն կատարուի. սակայն այստեղ էլ ժամանակ վատտակելու և թեմի անտէր կաշութեամբ օգտուելու համար նախ կանոնադրութեան ոգու հակառակ պայման է դրուել թեմականութեան վերաբերութեամբ և երկրորդ այնպիսի մի անձի ընտրեցին, որը թեմ ունի, վայելում է իւր ժողովրդի համակրութիւնը և այդ պատճառով էլ չը համաձայնուեց դաջ Ամբերիկայից Թաւրիզ, մանաւանդ յիշելով իրեն հետ խաղացած խաղերը:

Ասում ենք, որ այդ ընտրութիւնը ժամանակ վատտակելու համար էր որոշ մարդկանց կողմից և դրան որպէս ապացոյց ծառայում է այն հանգամանքը, որ թեմական ժողովի և պատգամաւորների հետ ոչ մի կապ չունեցող և ոչ ոքից հաւատարմութեւ չը ստացած մի ռուսաստանցի արհեստաւոր, վստահացել էր մանեւ Վեհափառի մօտ և խնդրել, որ առաջնորդական ընտրութիւնը յետաձգուի մինչև մայիսի վերջը: «Պատգամաւորները ոչ ոքի չեն ճանաչում մեր հոգևորականներից յետաձգեցէք ընտրութիւնները մինչև մայիսի վերջը, որպէս զի մարդ գտնենք» ասում էր նա:

Ո՞վ էր նա, ո՞ւմ անունիցն էր խօսում, ո՞րտեղ և ինչ մարդ պէտք է գտնէր, ի հարկէ այս հարցերը ժամանակին դրուեցան և Վեհափառ Հայրապետը հեռադրով անդեկադրելով, որ Սաքաջեան Յովնէփ արքեպիսկոպոսը չի գալու, հրամայեց կատար-